

瑜伽師地論

《獨覺地筆記》

王厚華 編輯

2024.09 版

如是已說聲聞地。云何獨覺地？當知此地有五種相。

1 種性
2 道
3 習
4 住
5 行

## 1 獨覺種性

云何獨覺種性？謂由三相，應正了知。

1 本性獨覺，先未證得彼菩提時，有薄塵種性。 由此因緣，於憤鬧處，心不愛樂；於寂靜處，深心愛樂。
2 本性獨覺，先未證得彼菩提時，有薄悲種性。 由是因緣，於說正法利有情事，心不愛樂；於少思務寂靜住中，深心愛樂。
3 本性獨覺，先未證得彼菩提時，有中根種性，是慢行類。 由是因緣，深心希願無師、無敵而證菩提。

## 2 獨覺道

云何獨覺道？謂由三相，應正了知。

1	謂有一類，安住獨覺種性，經於百劫，值佛出世，親近承事，成熟相續，專心求證獨覺菩提。 <table border="1"><tr><td>1 於蘊善巧</td></tr><tr><td>2 於處善巧</td></tr><tr><td>3 於界善巧</td></tr><tr><td>4 於緣起善巧</td></tr><tr><td>5 於處非處善巧</td></tr><tr><td>6 於諦善巧</td></tr></table> 勤修學故，於當來世，速能證得獨覺菩提。如是名為初獨覺道。	1 於蘊善巧	2 於處善巧	3 於界善巧	4 於緣起善巧	5 於處非處善巧	6 於諦善巧
1 於蘊善巧							
2 於處善巧							
3 於界善巧							
4 於緣起善巧							
5 於處非處善巧							
6 於諦善巧							
2	復有一類，值佛出世，親近善士，聽聞正法，如理作意，於先所未起順決擇分善根，引發令起，謂煖、頂、忍；而無力能即於此生證法現觀，得沙門果。 復修蘊善巧、修處善巧、修界善巧、修緣起善巧、修處非處善巧、修諦善巧故，於當來世能證法現觀，得沙門果。是名第二獨覺道。						
3	復有一類，值佛出世，親近善士，聽聞正法，如理作意，證法現觀，得沙門果；而無力能於一切種至極究竟，畢竟離垢，畢竟證得梵行邊際阿羅漢果。 復修蘊善巧、修處善巧、修界善巧、修緣起善巧、修處非處善巧、修諦善巧故，依出世道，於當來世至極究竟，畢竟離垢，畢竟證得梵行邊際阿羅漢果。是名第三獨覺道。						

### 3 獨覺習

云何獨覺習？

- |   |
|---|
| 1 謂有一類，依初獨覺道，滿足百劫修集資糧。過百劫已，出無佛世，無師自能修三十七菩提分法，證法現觀，得獨覺菩提果，永斷一切煩惱，成阿羅漢。                       |
| 2 復有一類，或依第二、或依第三獨覺道。由彼因緣，出無佛世，無師自能修三十七菩提分法，或證法現觀，乃至得阿羅漢果，或得沙門果，至極究竟，畢竟離垢，畢竟證得梵行邊際，證得最上阿羅漢果。 |

當知此中，由初習故成獨覺者，名**麟角喻**；  
由第二、第三習故成獨勝者，名**部行喻**。

### 4 獨覺住

云何獨覺住？

謂初所習麟角喻獨覺，樂處孤林，樂獨居住，樂甚深勝解，樂觀察甚深緣起道理，樂安住最極空、無願、無相作意。  
若第二、第三所習部行喻獨勝，不必一向樂處孤林、樂獨居住，亦樂部眾共相雜住。所餘住相，如麟角喻。

### 5 獨覺行

云何獨覺行？謂一切獨覺，隨依彼彼村邑聚落而住，

- |        |
|--------|
| 1 善護其身 |
| 2 善守諸根 |
| 3 善住正念 |

隨入彼彼村邑聚落，1 或為乞食，2 或濟度他下劣愚昧，  
以身濟度，不以語言。

何以故？

唯現身相為彼說法，不發言故。

示現種種神通境界，乃至為令心誹謗者生歸向故。

又彼一切，應知本來一向趣寂。

佛法教材下載 <https://web.ss.ncu.edu.tw/~calin/dharma-all.html>

願以此功德，莊嚴佛淨土。 上報四重恩，下濟三途苦。  
若有見聞者，悉發菩提心。 盡此一報身，同生極樂國。